



PORTA-VOZ
V GOVERNUNU
KONSTITUSIONÁL



**KOMUNIKADU
BA MEDIA**

Loron, 20 fulan Agostu tinan 2012
Díli, Timor-Leste

Sekretáriu-Jerál Nasoins Unidas, Ban Ki-moon partisipa workshop Avalisaun kona-ba Frajlidade iha Tomor-Leste

Iha semana liubá, hala'o wokshop Avaliasaun kona-ba Frajlidade Timor-Leste iha Ministériu Finansa, ne'ebé konta ho partisipasaun husi konvidadu espesiál sira. Sekretáriu-Jerál Nasoins Unidas, Ban Ki-moon, Primeiuru-Ministru Timor-Leste, Kay Rala Xanana Gusmão no Prezidente g7+ no Ministra Finansa Timor-Leste, Emília Pires, sira ko'alia importánsia globál kona-ba Akordu Foun no fatin g7+ nian kona-ba Akordu Foun no dalan atu rekupera nian ne'ebé bele adopta ba país sira ne'ebé hetan konflitu. Partisipa mós iha sorumutu ne'e, Diretora-Jerál UNESCO, Irena Bokovana, enviadu espesiál Nasoins Unidas nian ba Edukasaun Globál, no ex-Primeiru-Ministru Britániku, Gordon Brown, membru governu sira, partisipante prosesu Avaliasaun Frajlidade nian no Ekipa Avaliasaun Frajlidade Timor-Leste nian ne'ebé lidera hosi Félix Piedade.

g7+ (grupu país sira 17 ne'ebé afetadu hosi konflitu) dezempeña papél lideransa nian atu elabora Akordu Foun, hodi servisu hamutuk ho apoiu husi parseiru dezenvolvimentu sira, organizaun internasionál no instituisaun sira. Objetivu mak atu kria sistema inovadór ajuda nian, ne'ebé bele hatudu forma foun ida hodi atua iha Estadu sira ne'ebé afetadu hosi konflitu, atuhodi asalera efikásia ajuda esterna nian no dezenvolvimentu sustentável. Ba oin iha tranzisaun sira ne'ebé liderada no tranzisaun sira ne'ebé hetan husi país sira ba konstrusaun Estadu sira ne'ebé iha kapasidade atu hetan rekupersaun lalais. Hamutuk ho país g7+ neen sira seluk, Timor-Leste daudaun ne'e koko implementa Akordu Foun ho ninia prinsípiu báziku tolu interligadu: Objetivu Harii Pás-nian no Harii Estadu-nian, FOCUS no TRUST. Avaliasaun Frajlidade, avaliasaun ida halo hosi país kona-ba kauza no karakterístika frajlidade nian no fonte kapasidade rekupersaun mak sai nu'udar parte dahuluk hosi prinsípiu FOCUS. Serra Leoa foin lalais-ne'e ramata nia prosesu avaliasaun, Sudão Súl no Timor-Leste la'o daudaun ho di'ak.

Ministra Finansas, Emília Pires, loke sorumutu ne'e ho haktuir dalan ne'ebé Timor-Leste la'o ona hahú husi frajlidade to'o rekupersaun, hodi hateten katak "Timor-Leste", iha aspetu barak mak moris ona ho Akordu Foun. Ami remata tiha ona tinan sanulu ikus nian ne'ebé foka liu ba harii pás nian, no tanba ne'e, daudaun ne'e, ami moris iha situasaun ida ho pás no estabilidade. Daudaun ne'e, ami muda ami nia atensaun prinsipál ba liu iha harii Estadu no, tinan ruanulu oin mai, ba fali implementasaun Planu Ida ho Vizaun Ida, ne'ebé mak Planu Estratéjiku Dezenvolvimentu nian (PED).



Ágio Pereira

+670 7723 0011

agio.pereira@cdm.gov.tl

govtlmedia@gmail.com

www.timor-leste.gov.tl

Ba Emília Pires, Avaliasaun Frajilidade nian bele halo ita identifika kualkér fatór ne'ebé bele sees husi nia dalan, atu nune'e ami bele halo, neutraliza no hala'o atuhodi garante katak ami hela metin iha fatin. Karik ita hatene ita iha ne'ebé ona, daudau iha ne'ebé no ita atu ba iha ne'ebé, nune'e ita iha xave ba susesu". Tuir mai, Ministra Finansa apresenta rezumu konkluzau preliminar ida hosi avaliasaun Frajilidade Timor-Leste nian.

Primeiru-Ministru, Xanana Gusmão, hahú ninia diskursu agradesimentu nian ba Ban Ki-moon ba nia prezensa, hodi hateten katak " ho responsabilidade sira tomak importante Sekretáriu-Jerál ida nian, prova ona sai loloos kampeaun ba Nasaun sira ne'ebé frájlil hala'o hela dezvoltimentu". Primeiru-Ministru ne'ebé foun keda hahú iha relasaun besik no kompromisu kle'an ho g7+ hateten " harii g7+ tanba ita rekoñese katak Estadu frájlil sira barak mak hasoru problema no preokupasaun hanesan kona-ba assisténsia ba iha dezvoltimentu - maibé to'o daudaun ne'e ita la konsege diskute kestaun hirak doadór no ajénsia dezvoltimentu sira nian mesa-mesak".

Sekretáriu-Jerál Nasoins Unidas nian Ban Ki-moon, hetan konvite hodi taka sorumutu ne'e no nia aproveita ortunidade ida-ne'e hodi hateten hikas fali katak "Akordu Foun ida-ne'e importante tebes, no hein katak iha kontribuisaun ne'ebé di'ak hodi servisu hamutuk ho di'ak no produtivu entre Estadu Frájlil no parseiru dezvoltimentu sira". Nia hateten tan katak esénsia hosi Akordu Foun ne'e mak iha responsabilidade hamutuk" no nia fó korajen maka'as g7+ atu mantein presaun kona-ba sira ninia parseiru sira, iha nível bilaterál no fórun Internasionál nian inklui mós iha Nasoins Unidas no mós iha Diálogu Internasionál". Nu'udar konkluzau ba ninia diskursu-ne'e Ban Ki-moon hateten katak grupu Nasoins Unidas nian ba dezvoltimentu apoia Akordu Foun no promete katak Nasoins Unidas mós sei halo sira nia parte."

Portavós V Governu Konstitusionál, Ágio Pereira, dehan katak "hodi Governu Timor-Leste no ami nia Povu nia naran, sai nu'udar onra tebes ho apoiu ne'ebé Sekretáriu-Jerál Nasoins Unidas nian no ninia delegasaun fó durante nia vizita nune'e mós liafuan murak ne'ebé hato'o iha sorumutu no iha diskursu sira.

Vizita ida-ne'e sei halo ami hanoin nafatin nu'udar momentu espesial ida iha istória ami nia Nasaun jóven ida ne'e nian". FIN



Ágio Pereira

+670 7723 0011

agio.pereira@cdm.gov.tl

govtmedia@gmail.com

www.timor-leste.gov.tl